

## SOROTAN KEWANGAN

**Pada tahun 2022, keseluruhan portfolio Khazanah secara amnya kekal berdaya tahan, meraih manfaat daripada kemajuan yang dicapai dalam pengimbangan semula dan kepelbagaian portfolio sehingga kini.**

Bagi tahun kewangan ini, Nilai Aset Bersih (NAV) bagi keseluruhan Jumlah Dana kami merosot sebanyak RM4.4 bilion kepada RM81 bilion, disebabkan aliran menurun dalam pasaran global. Dari segi pulangan portfolio, Portfolio Pelaburan merekodkan -5.7% dalam NAV kadar pulangan berwajaran masa (TWRR) untuk tahun tersebut dan 2.2% untuk kitaran empat tahun.



**Khazanah mencatatkan keuntungan RM1.6 bilion, berbanding RM670 juta pada 2021. Peningkatan keuntungan itu didorong oleh aktiviti pengewangan dan pelbagai pengagihan pendapatan. Ia turut disebabkan kemerosotan nilai portfolio yang lebih rendah dalam Malaysia Airlines yang dibantu oleh pemulihan industri penerbangan secara keseluruhan dan strategi pengurusan tunai yang berdisiplin.”**

Kami kekal teguh dalam merealisasikan peluang dan melaksanakan rancangan penciptaan nilai untuk semua pelaburan sedia ada.

Kami mengadakan perkongsian strategik dengan SK ecoplant dari Korea Selatan melalui pelaburan kami dalam Cenviro, dengan matlamat memacu pertumbuhan untuk menjadi pengendali pengurusan sisa serantau yang terkemuka.

Selain itu, kami berjaya membawa Farm Fresh ke penyenaiaan awam pada tahun kewangan ini, detik kemuncak pelaburan kami selama 12 tahun dalam syarikat tenusu tersebut.

Dari sudut pelaburan baharu, kami telah mengenal pasti peluang-peluang baharu bernilai RM500 juta untuk Dana Impak, dengan matlamat meningkatkan daya saing ekonomi Malaysia, membina daya tahan negara dan menyampaikan impak sosio-ekonomi kepada rakyat Malaysia.

Paras hutang meningkat sedikit kepada RM49.1 bilion berbanding RM48.5 bilion dalam tahun sebelumnya manakala Nilai Aset Boleh Direalisasikan (RAV) berbanding Nisbah Hutang kekal berada dalam kedudukan baik pada 2.7x dan berada di landasan betul untuk mencapai sasaran jangka panjang sebanyak 3.0x - 4.0x.

Bagi tahun 2022, Khazanah mengisytiharkan dividen RM500 juta kepada Kerajaan Malaysia dengan jumlah dividen kumulatif sejak tahun 2004 berjumlah RM17.1 bilion.



Imbas untuk melihat  
Penyata Kewangan 2022

## KESELURUHAN PORTFOLIO KHAZANAH

## Portfolio Pelaburan

**RM122.5 bilion**  
RAV<sup>1</sup>

Pelaburan dengan jangkaan pulangan komersial



**Meneruskan usaha menyeimbangkan portfolio** ke arah sasaran Peruntukan Aset Strategik (SAA)

## Portfolio Dana Impak

**RM6.0 bilion**  
Diperuntukkan

Pelaburan dengan sasaran jelas berkenaan hasil sosioekonomi



Rancang dan laksana pelaburan dalam 6 tema yang dikenalpasti untuk **menyampaikan impak sosioekonomi** yang boleh diukur

## Aset Pembangunan

**RM4.3 bilion**  
RAV<sup>1</sup>

Pelaburan pembangunan jangka panjang yang berpotensi memberikan impak ekonomi yang tinggi



Terus memimpin syarikat-syarikat ke arah **kemampuan kewangan jangka panjang**

## Situasi Khas



Aset yang memerlukan pemulihan dari segi keuntungan dan aliran tunai operasi yang mampan




Pengurusan aktif untuk **penyelesaian** bagi aset yang berdepan **situasi yang sangat mencabar**

<sup>1</sup> Sehingga 31 Disember 2022



Untuk mengetahui lebih lanjut tentang **pendekatan pelaburan kami**, sila rujuk **Bab 5 - Demi Penghasilan Nilai Untuk Semua** di halaman 46.

## Keseluruhan Portfolio Khazanah Pertumbuhan NAV (RM bilion)



**RM17.1 bilion**

Dividen Terkumpul dibayar kepada Kerajaan Malaysia

**RM65.1 bilion**

Pulangan Terkumpul Pemegang Saham

<sup>1</sup> Kadar Pertumbuhan Tahunan Dikompaun

## PETUNJUK UTAMA KEWANGAN

### Penyata Pendapatan (RM juta)

Bagi tahun-tahun berakhir 31 Disember

	2022	2021	2020	2019	2018
Hasil	<b>8,017</b>	5,353	8,364	14,290	4,471
Keuntungan/(kerugian) daripada operasi	<b>1,630</b>	670	2,897	7,360	(6,271)
Cukai	<b>(156)</b>	(226)	(88)	(82)	(249)
Keuntungan/(kerugian) bersih bagi tahun	<b>1,474</b>	444	2,809	7,278	(6,520)
Dividen yang diisytiharkan					
- Dividen biasa	<b>(500)</b>	(2,000)	(1,000)	(1,000)	(1,000)
- Dividen khas	-	-	(1,000)	-	(500)
Keuntungan/(kerugian) bersih bagi tahun selepas dividen	<b>974</b>	(1,556)	809	6,278	(8,020)

### Penyata Imbangan (RM juta)

Sehingga pada 31 Disember

	2022	2021	2020	2019	2018
Jumlah aset	<b>86,819</b>	84,822	81,888	83,066	86,819
Jumlah liabiliti (Nota A)	<b>(50,101)</b>	(49,504)	(45,474)	(46,584)	(55,902)
Aset bersih	<b>36,718</b>	35,318	36,414	36,482	30,917
Modal Saham	<b>12,284</b>	12,284	12,284	12,284	12,284
Untung tertahan	<b>16,093</b>	15,119	16,675	15,866	9,587
Rizab lain	<b>8,341</b>	7,915	7,455	8,332	9,046
Dana pemegang saham	<b>36,718</b>	35,318	36,414	36,482	30,917

Nota A - Termasuk dalam jumlah liabiliti ialah pinjaman seperti berikut:

### Pinjaman (RM juta)

Sehingga pada 31 Disember

	2022	2021	2020	2019	2018
Bon jaminan kerajaan oleh Khazanah	<b>5,767</b>	7,943	9,878	10,639	12,626
Bon dan nota lain	<b>30,188</b>	29,826	26,245	24,997	23,015
Pinjaman berjangka	<b>5,985</b>	5,802	3,352	2,500	5,067
Sukuk boleh tukar	<b>1,015</b>	3,283	3,135	3,133	2,899
Kemudahan kredit pusingan	<b>6,189</b>	1,624	456	4,500	11,628
	<b>49,144</b>	48,478	43,066	45,769	55,235

1. Penyata pendapatan dan penyata imbangan di atas diperoleh daripada Penyata Kewangan Proforma Khazanah, yang merujuk kepada penyata kewangan Khazanah (Syarikat) yang disatukan dan Syarikat Bertujuan Khas (SPV). SPV ini ialah anak syarikat milik penuh Khazanah, yang ditubuhkan untuk melaksanakan pelaburan secara aktif atau sebagai syarikat pendanaannya.
2. Hasil terdiri daripada laba pelupusan terealisasi pelaburan yang dikelaskan sebagai nilai saksama menerusi pendapatan komprehensif lain yang dikitar semula kepada pendapatan tertahan semasa pelupusan.
3. Keuntungan/ (kerugian) daripada operasi merangkumi keuntungan/ (kerugian) sebelum cukai, hasil pelupusan yang direalisasi dan pengurangan nilai kekal aset yang diklasifikasikan sebagai nilai saksama menerusi pendapatan menyeluruh lain yang dikitar semula kepada pendapatan tertahan.